

p. 87 : 5+6【**根隨煩惱**】《大智度論》卷 7〈1 序品〉：「煩惱者，能令心煩，能作惱故，名為煩惱。」(T25,p.110,a28-29)《唯識三十論要釋》卷 1：「煩惱心所其相云何。頌曰：煩惱謂貪嗔 癡慢疑惡見 釋曰。此顯六種根本煩惱。此貪等六性是根本煩惱攝故得煩惱名。」(T85,p.969,c5-9)智旭《成唯識論觀心法要》卷 6：「如樹有根本。方有枝葉。由此六種煩惱。出生一切隨煩惱法。故名此六以為根本。餘隨煩惱皆此等流。或此分位。故如枝葉也。」(X51,p.375,c13-15)「云何惡見。於諸諦理顛倒推求。(即以)染(汙相應之)慧為性。能障善見。招苦為業。謂惡見者。多受苦故。以推求故。體即是慧。以顛倒故。名之為染。何謂顛倒？即是妄執實我、實法而已。」(X51,p.376,c9-12)此見行相差別有五：1 薩迦耶見。2 邊執見。3 邪見。4 見取。5 戒禁取。《成唯識論述記》卷 6：十種「俱生分別：謂貪等六者。鈍四、利二。通分別、俱生。除疑、三見。任運起故是俱生。思察生故是分別。顯揚第一及大論第八。皆云此六通俱生分別故。…述曰。疑一及邪見、見取、戒取。四法唯分別起。諸論共同。要由惡友及邪教、自分別。三緣生故。」(T43,p.449,c1-9)《唯識三十論要釋》卷 1：「隨煩惱其相云何？頌曰：隨煩惱謂忿 恨覆惱嫉慳 誑諂與害憍 無慚及無愧 掉舉與昏沈 不信并懈怠 放逸及失念 散亂不正知」此二十種類別有三：謂忿等十各別起故名小隨煩惱。無慚等二遍不善故名中隨煩惱。掉舉等八遍染心故名大隨煩惱。」(T85,p.970,a12-22)廣益《百法明門論纂》卷 1：「言隨煩惱者。以隨他根本煩惱而生故。言小中大者。以隨有三義。謂自類俱起、徧不善性、徧諸染心。具三名大。具二名中。俱無名小。以行相麤猛各自為主。然忿等十法。唯於不善心中各別而起。若一生時。必無第二。故名為小。其無慚無愧。乃自類俱起。但遍不善性。不通有覆。但得名中。其不信等八。自類俱起。遍染二性。不可名小。染心皆遍。不得名中。二義既殊。故名為大也。」(X48,p.321,a4-11)《別行疏鈔》：以隨根本惑勢力而起，故名「隨煩惱」也，亦通俱生、分別。分別起者，行相麤淺，入見即除；俱生起者，行相微細，至果方盡。～本會版 p.367

p. 88 : 3【**顯法功能**】《別行疏鈔》：「淨土果」中，釋文分二：先顯法功能，後別明勝果。前中經文義分為三：先，世界終失；次，此願不離；後，引生淨土。「此願不離」，義分為三：一、願王不離；二、引導長時；三、得生極樂。～本會版 p.368+370

p. 88 : 4【**通說一切死相**】《別行疏鈔》：如《俱舍論》通說臨終之時，有多般事，或惡業緣厚者，有斷末摩苦；然於身中有極少節解便致死，是為末摩苦。水、火、風隨一增減，如利刀刃觸彼末摩，因此便生增上苦受，從斯不久，遂

致命終。又復，人間復有多種死相，或中他毒藥，或風病失音，或鬼神所錄，或懷胎娩難，或大水漂溺，或野火所燒，或惡獸傷殘，或無辜誅戮，或雷電霹靂，或戰陣敗亡，或王法臨刑，或冤家鋒刃；諸般捨壽，難可具名。乃至諸天，命將終位，亦先有五種小衰相現：一者，衣服出非法聲；二者，自身光明忽然昧劣；三者，於沐浴位水滯著身；四者，本性鬻馳，今滯一境；五者，眼本凝寂，今數瞬動；此五相現，非定當死也。復有五種大衰相：一、衣染塵垢；二、華鬢萎萃；三、兩腋汗出；四、臭氣入身；五、不樂本座：此五相現，必定應死。一本會版 p.369 【斷末摩】「末摩」是梵語 marman 的音譯。意譯死節或死穴，係人體內之某些特殊部位，此等部位若遭傷害，則起劇痛而發狂或致死。在色、無色界中，並無此斷末摩之苦。此苦僅存於欲界，然亦非六道眾生均有此苦。

《阿毘達磨大毘婆沙論》卷 190：「問：何處有斷末摩？答：在欲界，非色、無色界。於欲界中，地獄無斷末摩，以恒斷故。傍生、餓鬼有斷末摩。人中三洲，非北拘盧洲。欲界諸天亦無斷末摩。彼非惱亂業果故。」又云：「何等補特伽羅有斷末摩？答：異生、聖者皆有。於聖者中預流、一來、不還、阿羅漢、獨覺皆有，唯除世尊無惱亂業故。諸佛世尊無斷末摩，聲音不壞，無漸命終，以佛世尊諸根頓滅故。或阿羅漢有斷末摩，非屠羊人等，以斷末摩是惱亂業果故。若有惱亂業者，雖阿羅漢而斷末摩，若無惱亂業，雖屠羊人等亦無斷末摩事。」此謂有惱亂業者始須受斷末摩之苦，無惱亂業者則不受此苦。(T27, p.953, a24-b6) 「惱亂業」：謂平生好譏刺人，且傷他人之心者，命終時受大苦，即是斷末摩之苦。～《中華佛教百科全書》

p. 88 : 4 【善惡皆悉現前】《首楞嚴經》卷 8：「一切世間生死相續，生從順習，死從變流，臨命終時，未捨暖觸，一生善惡俱時頓現，死逆生順，二習相交。」(T19, p.143, b14-16) 《楞嚴經指掌疏》卷 8：「臨命終時者。六識皆已不行。未捨暖觸者。八識尚未離體。以八識離體。則煖相自盡。此既未捨煖觸。八識尚在。乃將死而尚未死故。一生善惡者。謂一生所造善惡等業。俱時頓現者。謂俱時頓現善惡等相。莫知所趣。乃將生而猶未生故。當此之時。正在畏死求生之際。故曰死逆生順。謂以死為逆而欲避之。以生為順而欲求之也。因有避死求生之心。則善惡二習交相並發。善習勝者。隨善相而生善趣。惡習強者。隨惡相而生惡趣。此七趣之所由分也。」(X16, p.261, b17-c2)

p. 88 : -4 【唯此願王引生極樂】《華嚴經行願品疏》卷 10：「謂報盡捨命。一切不隨。唯此願王。引生淨土。同無常經。眷屬皆捨去。財貨任佗將。但持自善根。險道充糧食。」(X05, p.195, c10-12) 《無常經》：(T17, p.746, a19-29)

1. 自他二力 (p.32) 自力+法力 or 願力) > 業力。

2. 引生極樂淨土：何故普賢菩薩特云引生西方極樂，不指其他佛土？

(一) 《樂邦文類》卷1：「問：不求生華藏。期生極樂何耶。答：有四意：一者有緣故。二欲使眾生歸憑情一故。三不離華藏故。四即本師故。行願鈔曰(本會版 p.442)：有緣者彌陀願重。偏接娑婆人也。歸憑情一者。若聞十方皆妙彼此融通。則初心茫茫。無所依託。故方便引之。不離華藏者。極樂去此。但十萬億佛土。華嚴中所有佛刹。皆微塵數故不離也。即本師者。如經第三十九云。或有見佛無量壽觀自在等共圍繞。疏判云。讚本尊遮那之德也。疏又曰。華藏刹海皆遮那境。無量壽佛。去十萬億。並未出於刹種之中。豈非本師隨名異化也。(二) 道純法師曰。問：普賢行願。是華嚴流通。何故於世界海中。偏指極樂？既信解圓宗。十方佛刹。皆可往生。結歸西方。必有深旨。答：普賢為善財海眾。說願王已。結歸西方者。蓋為信解圓宗人。入文殊智。修普賢行。福慧事理皆稱法界。此大心人。雖妙悟本明。頓同諸聖。然猶力用未充。未及如來出現普利眾生。所以暫依淨土。親近彌陀海眾。直至成佛。故經曰。親覩如來無量光。現前授我菩提記。蒙彼如來授記已。化身無數百俱胝。智力廣大遍十方。普利一切眾生界。即斯意也(此文出直指淨土決疑集)。」(T47, p.159, b14-c9) (三) 於後經偈(p.116)云：「我既往生彼國已，現前成就此大願，一切圓滿盡無餘，利樂一切眾生界。」往生極樂，意欲現前圓滿成就普賢十大行願，利樂一切眾生界。此文乃是普賢菩薩親口為華藏海會眾法身大士所示，吾等發大心凡夫豈能不著眼深思！？

p. 89: -3【無量壽經】光明無量—魏譯(12)，會集本(13)。壽命無量—魏譯(13)，會集本(15)。

p. 89: -2【十種奇瑞】《廣清涼傳》卷1：「般涅槃經云。其有得聞文殊師利名者。見形像者。百千劫中。不墮惡道。若有讀誦文殊師利名者。設有重障。不墮阿鼻極惡猛火。常生他方清淨國土。值佛聞法。得無生法忍。」「以菩薩生時。有十種吉祥事故。所以菩薩名妙吉祥也。何為十種吉祥之事：一天降甘露。二地涌伏藏。三倉變金粟。四庭生金蓮。五光明滿室。六雞生鸞鳳。七馬產麒麟。八牛生白澤。九猪誕龍豚。十六牙象現。」(T51, p.1102, b1-b22) 【白澤】傳說中的神獸名。—《漢語大詞典》

p. 89: -1【悲華經】《悲華經》卷3〈4 諸菩薩本授記品〉(T03, p.188, a24-b5)

p. 90: 4【觀自在】《別行疏鈔》：「賢首就悲智解，謂於理事無礙之境觀達

自在，又，觀機往救，自在無礙，故以名焉。」出自《般若波羅蜜多心經略疏》卷 1 (T33, p. 552, c12-15) 戒環《妙法蓮華經要解》卷 18：「觀音之號。或曰觀世音。或曰觀自在。其行或曰普門。或曰圓通者。依悲觀、慈觀。應物之德言之。故號觀世音。依真觀、淨觀。照心之功言之。故號觀自在。自一心而出。應無不遍。則謂之普門。自萬物而反。照無不融。則謂之圓通。其實一而已。故或以自在為號。或以自在名業。以自在為號。言心得自在。如心經稱觀自在菩薩是也。以自在名業。言行得自在。如楞嚴稱無作妙力是也。然諸法行。無非示使平持心地。故此終以持地讚顯。」 (P185, p. 130, b10-p. 131, a10)

p. 90 : 6【慈心因緣經】《一切智光明仙人慈心因緣不食肉經》卷 1：大婆羅門名一切智光明。(T03, p. 458, a8-22)

p. 90 : -1【弗沙佛】釋尊於過去世修百劫相好業時所遇之佛。又作底砂佛、帝沙佛、提沙佛、補砂佛、底沙佛。《俱舍論》卷十八所載。～《佛光大辭典》

p. 91 : 2【問答】《別行疏鈔》：「問：生極樂國，得見阿彌陀佛、觀自在菩薩，其事必爾。又，普賢身即淨法界身，一切佛體，得見無妨；其文殊、彌勒在此娑婆，今言往彼，又云得見，為同異耶？答：此有二義…」

p. 91 : -4【彌勒為善財說】《大方廣佛華嚴經》卷 38〈入不思議解脫境界普賢行願品〉：「善男子！文殊師利最勝大願，非餘無量百千億那由他菩薩之所能有。…住甚深智，見法實性；從久遠來，深入一切解脫境界，究竟普賢所行諸行。」 (T10, no. 293, p. 836, b22-c4)

p. 91 : -1+ p. 92 : 1【大經說、又言】《大方廣佛華嚴經》卷 38〈入不思議解脫境界普賢行願品〉：「成就法身淨妙體故，一切煩惱不能欺誑；成就一切遍趣行故，於諸生處而得自在。」 (T10, p. 836, a22-24) 「善男子！我身普生一切法界；等一切眾生差別色相…殊異言音…名號…樂欲…威儀…受生…勝解…菩薩大願變化，於如是等無量品類而現其身，種種相貌、種種威德充滿法界。…我為成熟與我往昔同修諸行，今時退失菩提心者，示現生此閻浮提中；為欲調伏父母、親屬及婆羅門，令其離於種族憍慢，得生如來種性中故，生摩羅提國房舍聚落婆羅門家。善男子！我於南方及住於此毘盧遮那莊嚴藏大樓閣中，隨諸眾生心之所樂，種種方便，教化調伏。善男子！我為隨順諸眾生故，為欲成熟兜率天中同行天故，為欲示現菩薩福智莊嚴變化超過一切諸欲界故，令捨渴愛諸欲樂故，令照諸行皆無常故，令知諸天盛必衰故，為欲示現降生瑞相與一生菩薩而共宣說大智法門故，為欲攝受一切生處諸眾生故，為欲教化釋迦如來所遣

來者令如蓮華悉開悟故，而於此沒生兜率天。善男子！我願滿足得菩提時，汝及文殊俱來見我。」(T10, p. 836, a25-b17)

p. 92 : 6【得授記】《佛說觀無量壽佛經》卷 1：上品上生一歷事諸佛，遍十方界，於諸佛前次第受記。上品中生一經於七日，得不退轉。應時即能飛至十方，歷事諸佛，於諸佛所修諸三昧。經一小劫得無生法忍，現前受記。《觀無量壽佛經疏》卷 1：「現前受記者。四種受記一往現前也。」(T37, p. 193, c23)《觀無量壽佛經疏妙宗鈔》卷 6：「四種授記一往現前者。淨名大疏出四受記。謂未發心記、密記、現前記、無生記。言一往現前者。以現前記通於凡聖。今無生位。佛就一往。通名現前耳。」(T37, p. 230, c29-p. 231, a3)湛然《維摩經略疏》卷 5〈4 菩薩品〉：「如首楞嚴說有四記：一未發心記。二密為記。三現前記。四見無生記。」(T38, p. 637, a27-28)圓教：1. 雖是具縛凡夫或二乘、三藏菩薩、通別菩薩，而有圓教大乘根性。2. 密受記者，初發心假名菩薩。3. 隨喜五品弟子位，多用現前受記或密為受記。4. 十信相似六根清淨，皆用現前受記。5. 初發心住受記，即是見圓真無生受記也。

p. 92 : -1【坐菩提道場】《別行疏鈔》：「慈恩解一生補處總有三位：一者一生所繫；二者最後之身；三者坐道場身。上生，則一生所繫，唯有當來一徧受生為能繫；下生，則局後二身。如釋迦初生時，於東西南北各行七步，說一偈云：『我生胎分盡，是最末後身，我已得漏盡，當廣度眾生』；即名『最後身』也。後於菩提樹下坐時，名『坐道場身』；若成佛了，非三位攝，即名『佛身』也。」～本會版 p. 459 窺基《觀彌勒上生兜率天經贊》卷 1：「菩薩有三：一者一生所繫。二者最後之身。三者坐於道場。上生則一生所繫。下生局得二身。成佛由因。故三皆盡。」(T38, p. 274, c4-7)